



UNIVERSITÄTS-
BIBLIOTHEK
PADERBORN

**De Prima Scribendi Origine Et Vniversa Rei Literariæ
Antiqvitate**

Hugo, Hermann

Antverpiæ, 1617

Eryci[i] Pvteani In R. P. Hermanni Hvgonis doctissimum De Origine
Litterarvm Commentarium Carmen.

[urn:nbn:de:hbz:466:1-71265](https://nbn-resolving.org/urn:nbn:de:hbz:466:1-71265)

9

ERYCI PVTEANI
IN
R.P. HERMANNI HVGONIS
doctissimum
DE ORIGINE LITTERARVM
Commentarium
CARMEN.

HVGO, *delicium piæ Camænae,*
Nectar deliciumq; LITTERARVM,
Qui fontem, laticemque LITTERARVM
A primo liquidum recludis ævo:
Hoc tuis nunc latice, atque fonte, magnum
Priscorum mare colligis Librorum,
Novorum mare colligis Librorum;
Et pulchri pretium obtines laboris,
Laboris pretium perenne nomen:
Fruetum nos capimus tui laboris.
Namque scire datur tuo labore,
Quis doctos apices, notasque primus
Signavit, tacitâ loquens liturâ:

A 5 Primus

Primus quis calamos fudit tenellos,
 Et chartæ niveum inquinavit æquor,
 Chartæ virgineum inquinavit æquor:
 Quis loligine scripsit, & nigella
 Sparsit semina, signa LITTERARVM.
 Atque scire datur tuo labore,
 Quis lignum, lapidesque, quis metalla,
 Docto quis graphio lutum exaravit:
 Quis ceram docuit loqui subactam
 Stili cuspide, spongiamque mellis,
 Sed pressam, domitamque, mortuamque,
 Inclusam brevis alveo tabellæ,
 Verba sugere, mella LITTERARVM,
 Verba reddere, mella LITTERARVM.
 Demum scire datur tuo labore,
 Ut malvæ foliis libri remotis
 Inducti, Philyræque, codicesque,
 Membranae tenues, scheda, papyrus,
 Album, fasciculi que, paginae que,
 Pugillar bipatens, tomi, cylindri,
 Et volumina vasta LITTERARVM.

His

His in omnibus, Erudite Scriptor,
Tu Cadmum loqueris, sed ipse Cadmus:
Phœnices loqueris, sed ipse Phœnix;
Phœnix ipse, sed alter ille PHOENIX,
Ales Assyrius, sibi superstes.
Ac dum sic loqueris, stilumque doctum
Uersas, hoc agis Erudite Scriptor;
Vnus ut videaris Eruditus:
Dum jungis genus omne LITTERARVM,
Vnus ut videre Litteratus.
Crede, crede: erit hic Liber Librorum,
Et lumen dabit hoc tibi Volumen.

D E
 L I T T E R A R V M
 N O M I N E .

Fecit LITTERVLIS LITVRA nomen:
Sed nunc LITTERVLÆ carent LITVRA.

In